

E pueblo Marino.

A.

Plot.

Na 1914 tábatin na Bonaire un señora, Altagracia, cu tábatin dos jiu. Su tata, cu tábata marinero a muri tempo e tábata chikito. El a casa hoben y su casa tambe a muri na laman, lagé cu e dos jiunan, Juan y Manuel, di aproximadamente 17 y 15 año. E tábata desconfia laman y tábata desea pa su jiunan no bai nabega, pasobra e tábatin miedo cu nan tambe lo muri na laman. Pero e muchanan for di chikito kier a bai nabega, y especialmente ora marineronan bini Bonaire y conta di nan aventuranan, nan anheló tábata bira mas grandi.

Hopi mucha tábata hui bai, ora e mayornan no tábata kier pa nan bai nabega, cu ayudo di amigo- of compañeronan cu ya tábata nabega.

Juan tambe a hui bai Corsow, después el a bai Hulanda como matroos. Na Hulanda el a subi bordo di un barco cu tábata nabega entre Hulanda y Inglaterra.

Na 1914 promé gera mundial a cuminsa. Inglés nan a pone hopi mina di laman rond di Inglaterra pa preveni cu submarino Aleman por dreña of jega mashá cerca e puertonan di Inglaterra y sink barco.

Den e winter di 1914/1915 e barco di Juan a dal riba un mina y a sink. Juan y dos otro nabegante a scapa riba un vlot y e barco cu a haña nan a hiba nan Rotterdam. Juan a bai Merca mesora y a barca bordo di un barco cu tábata nabega entre Merca y Francia. Un submarino Alemán a sink su barco den Golfo di Biscaya (conocí como 'Santana di Marinero'). Juan y algún otro nabegante, entre nan varios Bonaireano a scapa. Un barco di gera Francés a haña nan y a hiba nan Bordeaux, un Puerto di Francia. El a haña chens pa bini Antiyas (e tempo ei jamá 'Dutch West Indies' pa e marineronan) via Merca.

El a jega Bonaire net tempo di cosecha, y el a juda rumán homber di su mama cu cosecha. Cosecha tábata grandi y e rumán homber a pone un bon simadán.

E dia después di simadán Juan a bolbe hui, y Manuel a bai hunto cu ne. E mama a keda desesperá y tábatin e presentimento cu e lo no mira Manuel mas.

Riba un dia ta jega e noticia cu Juan y Manuel tur dos ta riba un barco, biniendo cas. Altagracia ta canta di alegría, pero e presentimento cu e tábatin no a lagé, y den tur su alegría e ta sinti un cierto temor.

Su presentimento a bira realidad: E barco a naufraga den un orcan, y Manuel a muri.

A pasa hopi aña y situacion a cambia. A bin refineria grandi na Corsow y na Aruba. Tabatin mester di hopi marinero riba e tankeronan, cu tabata trece e crudo pa bin refina na Aruba (y Corsow). Poco- poco hopi nabegante Bonaireano a decidi di bini Aruba. Tabatin e bentaha cu marineronan por a trece nan familia aki, y ademàs, e bida di nabegante den Caribe tabata casi sin peliger. Altagracia, Juan y un jiu di Juan, Agosto, tambe a bini Aruba.

Hopi di e nabegantenan of nan jiunan a keda biba aki. Varios di nan jiunan a nace aki y a casa aki. Asina tambe e jiu di Juan, Agosto.

Dia e Segundo gera mundial a cuminsa na 1940, e marineronan a corda cu varios Bonaireano a muri na laman den e prome gera mundial, pero nan a pensa cu esei lo no por pasa na Aruba awor. Altagracia semper a keda desconfia di laman, especialmente den tempo di gera. El a spierta nabegantenan y a conseha nan pa no bai nabega den tempo di gera. Nabegantena a bai, of sigi, nabega toch.

Riba 16 di Februari 1942 un submarino Aleman a sink varios barco pafor di Aruba y hopi marinero Bonaireano a muri.

E nabegantenan a determina cu nan lo bai venga nan compen^aeronan cu a muri a consecuencia di e torpedamento Aleman. Nan a jega na e conclusion cu e mehor manera cu nan por haci esaki ta di sigi nabega, busca e crudo na Venezuela pa bin refina aki na Aruba, pa Aliadonan haña combustible pa bringa contra y bati e Alemannan.

Nan a duna otro curashi pa semper nan corda cu nan ta un pueblo marino cu no tin miedo di laman, y si acaso un submarino sink nan barco, nan no cobardea, pero subi otro barco y sigi nabega te dia nan 'BATI ALEMAN'.

[Henrico Emerencia]

E Pueblo Marino.

B.

Resumen.

Lista di Personahenan;

ALTAGRACIA, un viuda hoben cu tin dos jiu. E tin un rumán homber,
Pedro Ramón y un rumán mujer Inez,
kende tin un jiu, Raquel.
Ta canta: "Unda Juan ta?"; "Juan ta bolbe cas".
"Huida di Juan y Manuel." "Regreso di Juan y Manuel"
"Un duda." "Triste noticia". "Misericordia".
"Destino, e gran cazador".

MOIRA, un figura misterioso.

E ta canta: "Unda Juan ta?" "Juan ta bolbe cas."
"Huida di Juan y Manuel." "Regreso di Juan y Manuel."
"Triste noticia."

MANUEL, e jiu mas chikito di Altagracia.

E ta canta: "Fantasía di un pueblo Marino" y
"Remordimento."

JUAN, e jiu mayor di Altagracia.

GABRIELA, novia di un nabegante.

E ta canta: "Mi amor ta travesando laman."

AGUSTO, jiu di Juan. Ta canta: "Declaraciòn y Promesa."

CORO I, ta canta: "Serenada", na cumpleaños di Altagracia.

CORO II, nabegantenan audaz, ta canta: "Nabegantenan audaz."

CORO III, ta canta: "Simadan,

CORO IV, nabegantenan mas moderno. Ta canta: "Tempo a cambia."

Coro V, compañeronan di e marineronan cu a perece.

CORO VI. E pueblo Marino ta clama venganza Ta canta "Bati Alemán."

Un narrador ta duna splicación breve.

Contenido di e actonan.

E obra tin 3 acto.

E promer acto.

Lugar: Bonaire

Ta trata: Huida di Juan, te su regreso.

E Segundo acto.

Lugar: Bonaire y lamán.

Ta trata: Huida di Juan y Manuel te morto di Manuel.

E tercer acto:

Lugar: Brooklyn, Aruba y lamán.

Ta trata: Establecimiento di Bonaireanonan na Aruba te torpedamento
di tankeronan 16 Februari 1942 y e clamor pa venganza di

✓ E Pueblo Marino.